



CLASSIS IV.

DE

SPIRITIBUS.

SPIRITUS ARDENTES.

SPIRITUS VINI COMMUNIS

SIVE

AQUA ARDENS.

Rx. Vini generosi ————— quantum placer.

Immitte in ahenum distillatorium, vel in cucurbitam vitream, cujus quarta pars remaneat vacua: apposito capitello, & obferatis commissuris, blando igne distilla: prodibit liquor tenuis, limpidus, inflammabilis, Spiritus Vini sive Aqua Ardens vulgo dictus. Distillationem usque eo perduces dum liquor qui emergit flammam non amplius concipiat.

SPI-

SPIRITUS VINI RECTIFICATUS.

R₂. Spiritus Vini communis — quantum placet.

Ex cucurbita vitrea ad duas tertias repleta lento igne distilla: prodibit initio Spiritus limpidus, purus, quem seorsim colliges; quando aquosus & acidulus exstillare cœperit, a distillatione cessabis.

Separatio hæc meracioris Spiritus ab aquoso latice per iteratam distillationem facta rectificatio dicitur, quam si pluries repetes, eo semper puriorem & efficaciorum obtinebis Spiritum.

Eadem methodo utere, quoties portionem Spiritus Vini a Tincturis abstrahere opus fuerit: instituta enim per alembicum distillatione, Spiritum tenuem ac limpidum recipies; Tinctura eo magna ex parte orbata remanebit in cucurbita.

SPIRITUS VINI DEPHLEGMATUS

SIVE

ALCOHOL VINI.

R₂. Spiritus Vini rectificati — quantum placet.

Distilletur igne blandissimo in balneo - maris ex cucurbita vitrea, superimposito capitello non rostrato, sed longissima fistula ad apicem instructo; quæ fistula post multorum pedum altitudinem deorsum reflectatur. Spiritus fere purissimus, & phlegmate carens, superata fistulæ altitudine, per alterum illius crus deorsum vergens in excipulum stillabit.

SPI-

SPIRITUS VINI TARTARISATUS

SIVE

ALCOHOL VINI CUM SALE TARTARI.

℞. Spiritus Vini rectificati ——— libram unam,
 Salis Tartari Alkalini siccissimi ab igne
 — libram semis.

Digere in arena per horas duodecim: liquorem supernatantem per inclinationem effunde: erit pariter Spiritus Vini ab omni phlegmate liber, non æque tamen purus, ac ille qui est sub titulo præcedenti descriptus.

Spiritus Vini communis, rectificati, & Alcohol usus frequens ac varius in pharmaceuticis, & chymicis operationibus.

SPIRITUS CERASORUM NIGRORUM.

℞. Cerasorum nigrorum cum nucleis
 — libras viginti.
 Contusis affunde
 Aquæ fontis ——— libras octo.

Macera in loco tepido, donec fermentando vinosum odorem acquirant. Distilla ex ahenò, ut prodeat Spiritus ardens, quemadmodum ex Vino: hunc rectificatione pluries repetita a phlegmate separabis.

In

In epilepsia habetur pro specifico.

Dosis a scrupulo uno ad drachmam unam.

Ex aliis quoque fructibus simili ratione fermentatis, ex leguminibus etiam, seminibus frumentaceis, Melle, Saccharo, plurimisque vegetabilium succis, modo præcesserit debita fermentatio, Spiritus ardentes elici possunt.

SPIRITUS MELISSÆ ARDENS.

Rx. Melissæ recentis odoratissimæ — quantum placet.

Macera per dies plures in sufficiente quantitate Aquæ modice salitæ, quoad fermentescat, ac odorem emittat pene vinosum. Distilla ex ahenò, ut artis est, ac liquorem spirituosum primo erumpentem seorsim collige: novam Melissam eadem ratione pluries distilla, donec liquoris spirituosì sufficientem quantitatem obtineas: hunc sæpius ex lege artis rectifica, & habebis, si recte omnia processerint, e sola Melissa Spiritum ardentem.

Virtute cardiaca & cephalica excellit.

Dosis a scrupulo uno ad drachmam unam.

Ex multis herbis eadem ratione Spiritus ardens educitur; sunt vero etiam non paucae ex quibus nulla ratione elici possit: quod monere operæ pretium duximus, ne quis forte operationes laboris ac molestiæ plenas sine fructu suscipiat.

SPI-

SPIRITUS FLORUM RORISMARINI

SIVE

AQUA REGINÆ HUNGARIÆ.

℞. Florum Rorismarini — quantum placet,
Spiritus Vini rectificati — quantum sufficit

ad supereminentiam quatuor digitorum. Distilla ex cucurbita vitrea in balneo-maris, & usui serva.

Ex aliis floribus ac simplicibus odoratis eadem methodo extrahi possunt Spiritus, qui tamen proprie non sunt illorum simplicium Spiritus, sed verus Spiritus Vini, subtilioribus eorum principiis imbutus.

SPIRITUS COCHLEARIÆ.

℞. Cochleariæ florecentis ——— libras sex.

Contunde & macera in vase clauso cum sufficienti quantitate Aquæ mediocriter salitæ, deinde ubi acrem odorem emittere incipit, affunde

Spiritus Vini rectificati ——— libras novem.

Distilla ex alembico vitreo in balneo arenæ fere ad ficcitatem.

Valeat ad gingivarum ulcera scorbutica.

Simili ratione paretur Spiritus Nasturtii aquatici, ejus eadem sunt facultates.

SPI-

Spiritus qui e sola Cochlearia per fermentationem & cohobationem extrahitur, ut ex Melissa, proprie ardens non est, sed limpidus, tenuis, & acer, herbæ ipsius odorem ac saporem exprimens. Præstantior censetur quam ille qui est cum Spiritu Vini paratus, sed brevi tempore evanescit.

SPIRITUS VINI JUNIPERATUS.

℞. Baccarum Juniperi ———— libras tres,

Spiritus Vini ———— libras decem.

Distilla ex arte, & usui serva.

Externe adhibitus a corruptione præservat. Dulcificatus cum Saccharo interne sumitur ad stomachum roborandum, uti etiam Spiritus Vini Anisatus, & reliqui variorum aromatum odore imbuti, Aqua Vita, & Rossoles vulgo dicti; quorum explicatio non est hujus loci.

SPIRITUS VINI CAMPHORATUS.

℞. Spiritus Vini rectificati ———— libras duas,

Camphoræ ———— unciam unam.

Facta dissolutione Camphoræ, Spiritum in vase optime clauso serva ad usum.

Vim habet resolvendi ac discutiendi.

X x

QUIN-

QUINTA ESSENTIA RORISMARINI.

R. Olei essentialis Rorismarini — drachmam unam,

Spiritus Vini perfecte dephlegmati, idest Alcohol — unciam unam & semis.

Confunde utrumque simul in phiala vitrea siccissima: Oleum ab Alcohol prorsus combibetur, ut non amplius appareat. Erit liquor Quinta Essentia dicta Rorismarini.

Ita ex aliis pariter Oleis essentialibus aromaticis Quintas Essentias quoties libuerit parare poteris.

Primi inventores plantæ cujusque Spiritum ardentem per fermentationem extractum, & ad Alcohol simplicitatem rectificatum cum proprio ejusdem plantæ Oleo essentiali commiscebant ad Quintam Essentiam conficiendam: quæ res infiniti laboris jure omittitur a recentioribus, cum illi ipsi ardentis vegetabilium Spiritus sic depurati ab Alcohol Vini non multum differant.

Vim suam accipiunt Quintæ Essentiæ ab Oleis essentialibus, ex quibus componuntur.

Dosis ad paucas guttas.

SPIRITUS CARMINATIVUS SYLVII.

R. Radicum Angelicæ Bohemicæ,
Imperatoricæ,
Galangæ,
Zingiberis,

Nucis

Nucis Moschatae,
 Macis, ——— ana drachmam unam & semis,
 Foliorum Ocimi,
 Majoranae,
 Rutae,
 Rorismarini,
 Summitatum Centaurii minoris,
 — ana manipulum semis,
 Baccarum Lauri ——— drachmas tres,
 Semen Angelicae,
 Levistici,
 Anisi, ——— ana unciam semis,
 Cinnamomi ——— drachmas sex,
 Caryophyllorum,
 Flavedinis Aurantiorum,
 — ana drachmam unam,

Incisis & modice contusis affunde

Spiritus Vini ——— uncias quadraginta.

Macera per biduum, ac distilla ex lege artis in balneo - maris ad siccitatem: liquorem distillatum residuo magmati affunde, ac digere per biduum: iterum distilla, & ubi tres quartas liquoris partes receperis ab opere desiste.

Usus in colica affectione flatulenta.

Dosis a drachma una ad drachmas duas.

SPIRITUS MATRICALIS

DISPENSATORII VIENNENSIS.

℞. Mastiches,
 Myrrhæ,
 Thuris,
 Succini albi, ——— ana uncias tres,
 Spiritus Vini rectificati ——— libras tres.

Digerantur simul ac distillantur ex arte: erit liquor Spiritus Matricalis, quem etiam sola infusione parare poteris, si libuerit.

Ad dolores leniendos, diaphoresim promovendam, & grumofum sanguinem resolvendum commendatur.

Dosis a drachma semis ad drachmam unam.

ELIXIR VITÆ

MAGNI DUCIS HETRURIÆ.

℞. Nucis Moschatæ,
 Macis,
 Cinnamomi,
 Caryophyllorum,
 Cubebæ,
 Cardamomi,
 Radicum Gentianæ,
 Angelicæ Bohemicæ,
 Zingiberis,
 Zedoariæ,

Ligni

Ligni Aloes,
Piperis albi,
nigri, ——— ana drachmam semis,

Baccarum Juniperi,
Lauri,

Flavedinis Citrei,
Aurantiorum,

Granorum Kermes,

Rosarum rubrarum,

Foliorum Salviæ,

Rorismarini,

Calaminthæ montanæ,

Pullegi,

Menthæ,

Majoranæ,

Florum Betonicæ,

Spicæ Nardi,

Calami Aromatici, ——— ana scrupulum unum.

Contusis & conscissis omnibus affunde

Spiritus Vini optimi ——— libram unam.

Macera per dies sex in vase optime clauso, &
in balneo-maris ex alembico vitreo distilla.

Dulcificari potest addita convenienti portione Ju-
lapii Rosati, vel etiam Sacchari purissimi.

Cor, cerebrum, ac ventriculum roborat, ad epilepsiam,
syncopem, & hystericam passionem potissimum celebratur.

Dosis a drachma una ad drachmas tres.

~~~~~

*SPIRITUS VOLATILES ANIMALES,*  
*ET AFFINES.*

*SPIRITUS, SAL VOLATILIS, ET OLEUM*  
*CORNU CERVI.*

*Rx.* Cornu Cervi in frustula diffracti, vel limati  
— quantum placet.

Imple retortam vitream loricatam: hanc in furnulo reverberii statue, ejusque collo recipiens amplum appone, commissuris apte conglutinatiss. Accenso igne mediocri prodibit phlegma, postea calore paulatim aucto, recipiens albis vaporibus opplebitur, & Spiritus, idest liquor flavescens pinguis exstillabit; eodemque tempore Sal Volatilis concavæ excipuli superficiei adhærebit: sub finem Oleum initio tenue, postea densum & nigricans exibat. Refrigeratis omnibus excipulum remove, & quæ in eo continentur omnia simul confusa immitte in matracium longioris colli, apposito capitello, juncturisque omnibus rite obturatis. Collocetur matracium in balneo arenæ: leni calore Sal Volatilis purus, albus sublimabitur, quem seorsim colliges. Quod in fundo supererit, per infundibulum chartaceum filtra: supra infundibulum remanebit Oleum empyreumaticum densum, trajicietur phlegma cum Spiritu: utrumque simul distilla per alembicum in balneo - maris ad dimidias: prodibit Spiritus a phlegmate separatus, quem ad usum servabis.

*Spi-*

*Spiritus Cornu Cervini diaphoreticum penetrantissimum est, aperiens, attenuans, ac diureticum. In artbritide, ac paralyfi usum præstat, ac in febribus malignis ubi lentoris ac inertie adsunt indicia.*

*Dosis a guttis decem ad guttas viginti.*

### SPIRITUS, SAL VOLATILIS, ET OLEUM CRANII HUMANI.

Eadem prorsus ratione eliciuntur, ut ex Cornu Cervino.

*Spiritus ad epilepticos insultus peculiariter valere creditur: revera ejusdem naturæ est cum Spiritu volatili Cornu Cervi, & aliis omnibus qui ex animalibus peruntur.*

### SPIRITUS, SAL VOLATILIS, ET OLEUM VIPERARUM.

℞. Viperas exsiccatas, & in frustra concisas  
— quot volueris.

Eodem ordine procede, ut in extractione Spiritus, Salis Volatilis, & Olei Cornu Cervi.

### SPIRITUS, SAL VOLATILIS, ET OLEUM SANGUINIS HUMANI.

℞. Sanguinis Humani coagulati, & exsiccati  
— quantum placet.  
Omnia

Omnia fiant ut in distillatione Cornu Cervi superius descripta: retorta vero ad dimidias implenda.

SPIRITUS, SAL VOLATILIS, ET OLEUM  
URINÆ.

℞. Urinæ sani hominis ad melleam consistentiam  
ignis ope redactæ, & cum arena permixtæ  
— quantum placet.

Distilla per retortam, sed igne moderatissimo: omnia contingent ut in distillatione Cornu Cervini.

SPIRITUS, SAL VOLATILIS, ET OLEUM  
SERICI.

℞. Folliculorum Sericorum optime repurgatorum  
— quantum placet.

Utere eadem methodo ut in extrahendo Spiritu, ac Sale Volatili ex aliis animalium partibus, vel excrementis.

SPIRITUS, SAL VOLATILIS, ET OLEUM  
FULIGINIS.

℞. Fuliginis splendentis ——— quantum placet.

Distilla ex retorta ad duas tertias repleta: contingent omnia, ut in distillationibus Animalium.

*Spi-*

*Spiritus omnes volatiles superius descripti, ut inter se, sic etiam cum Spiritu Cornu Cervi communem habent naturam & facultates.*

*Dosis a guttis decem ad guttas viginti.*

## SPIRITUS SALIS AMMONIACI

CUM ALKALI FIXO.

℞. Salis Ammoniaci, \_\_\_\_\_  
Tartari calcinati, \_\_\_\_\_ ana uncias octo.

Separatim pulverisatis & commixtis sine mora affunde

Aquæ puræ \_\_\_\_\_ uncias sex.

Distilla ex retorta in recipiens amplum, igne gradatim aucto. Concreset sal volatilis ad latera recipientis, & liquor exibat, qui portionem salis dissolvat. Absoluta operatione recipiens concute, ut Spiritus suo sale volatili quantum fieri potest imbuatur; eundemque in vase vitreo optime clauso ad usum servabis.

In fundo cucurbitæ massa remanebit salina, ex qua Sal febrifugus sive digestivus Sylvii extrahi poterit.

*Penetrandi vim habet; circulationem sanguinis promovet, obstructions reserat, febribus intermittentibus, paralyti, apoplexia, & hystericis passionibus succurrit.*

*Dosis a guttis duabus ad guttas decem.*

Yy

SPI.

## SPIRITUS SALIS AMMONIACI

CUM CALCE.

℞. Salis Ammoniaci \_\_\_\_\_ uncias octo,  
 Calcis vivæ \_\_\_\_\_ libras duas.

Seorsim pulverifatis, & in cucurbita vitrea com-  
 mixtis illico affunde

Aquæ fontis \_\_\_\_\_ libras duas.

Apposito capitulo, & commissuris apte conglu-  
 tinatis, distilla ex lege artis, calore arenæ sub ini-  
 tium moderatissimo, postea gradatim aucto; reci-  
 piens vero sit valde amplum. Exibit Spiritus sine  
 ullo sale volatili concreto: ubi sex uncias obtine-  
 ris a distillatione cessabis.

*Volatilitatem habet & acrimoniam summam, nisi eva-  
 nuerit. Naribus admodum vehementer stimulat, eoque ti-  
 tulo lethargicis convenit. Pro interno usu minus securus  
 videtur quam præcedens.*

## SPIRITUS VOLATILIS AROMATICUS

OLEOSUS.

℞. Flavedinis siccæ Aurantiorum,  
 Citrei, — ana drachmas sex,  
 Vanillæ, \_\_\_\_\_ unciam semis,  
 Macis \_\_\_\_\_ drachmas duas.

Contusis admisce

Salis

Salis Tartari Alkalini,  
Ammoniacy, — qui seorsim singuli pulveri-  
fati fuerint, ana uncias quatuor.

Hoc facto statim affunde

Aquæ Cinnamomi spirituosæ,

Spiritus Vini rectificati, — ana uncias quatuor,

Digere per dies aliquot, & ex alembico vitreo  
distilla in balneo maris secundum artem.

*Utiliter ad olfaciendum præbetur in affectibus soporosis,  
& animi deliquiis.*

Exemplum esse potest pro aliis Spiritibus aroma-  
ticis volatilibus ad libitum componendis.

### SPIRITUS ANTAPOPLECTICUS

VULGO

### GUTTÆ ANGLICANÆ GODARDII.

℞. Spiritus Serici proprio sale volatili quantum fie-  
ri potest imprægnati — uncias quatuor,

Olei essentialis Spicæ — drachmam unam,

Spiritus Vini rectificati — unciam semis.

Digere per horas viginti quatuor: distilla ex ar-  
te donec Oleum prodire incipiat: Spiritum distil-  
latum in usum serva.

*In apoplexia serosa habetur pro specifico.*

*Dosis a guttis decem ad guttas sexdecim.*

Yy 2

LI-

## LIQUOR CORNU CERVI SUCCINATUS

BARCKHAUSEN.

℞. Spiritus Cornu Cervi ——— quantum placet.

Immitte in phialam vitream, & affunde paulatim  
 Salis Volatilis Succini ——— quantum satis  
 ad perfectam saturationem, quæ tum facta cogno-  
 scitur, quando cessat omnis effervescentia. Obtura-  
 ta phiala, liquorem in balneo digere per dies octo,  
 & in vase optime clauso reconde.

*Incidens est ac diaphoreticum eximium: in moribus etiam  
 convulsivis & epilepticis plurimum commendatur.*

*Dosis a guttis quatuor ad guttas duodecim.*

Nisi sale volatili Succini legitime parato usus fue-  
 ris, effervescentiam ac veram saturationem frustra  
 expectabis. Quod si Cornu Cervi una cum Succino  
 in retorta distillaveris, ut minus recte quidam faciunt,  
 Spiritum quidem Cornu Cervi odore Olei Succini  
 utcumque imbutum elicies, nobile hoc medicamen-  
 tum integrum non habebis. Ceterum quia salis vola-  
 tilis Succini maxima ut plurimum habetur penuria,  
 tolerabilem substitutionem facies, si loco illius spi-  
 ritum Succini rectificatum adhibeas; qui cum & ipse  
 subacidus sit, cum spiritu alkalino Cornu Cervi  
 junctus idem fere præstabit quod sal volatilis ejus-  
 dem Succini.

Macis

II

175

**SPIRITUS ACIDI VEGETABILES  
ET AFFINES.**

**SPIRITUS ACETI  
SIVE  
ACETUM DISTILLATUM:**

**R.** Aceti optimi ————— quantum placet.

Distilla ex cucurbita vitrea calore arenæ quoad massa instar mellis in fundo supersit: distillatum liquorem usui serva.

*Putredini ac nimie humorum colliquationi resistit: in febris malignis ac pestilentialibus usurpatur.*

*Dosis a drachma una ad unciam semis.*

**SPIRITUS ACIDUS**

**TEREBINTHINÆ.**

Emergit ex distillatione Terebinthinæ, quæ ad illius oleum extrahendum adhibetur: ita etiam spiritus Succini, qui & ipse acidus est communem cum oleo proprio elaborationem habet. Utrumque opus in oleorum recensione explicabitur.

**SPI-**

## SPIRITUS LIGNI GUAJACI.

Distillationis ope una cum proprio oleo elicitur :  
ac si forte inquinatior fuerit iterata distillatione  
rectificetur.

*Urinam ciet, ac diaphoresim promovet.*

*Dosis a drachma semis ad drachmam unam.*

## SPIRITUS, ET OLEUM TARTARI

PER DISTILLATIONEM.

*℞. Tartari crudi ————— quantum placet.*

Distilla ex retorta vitrea loricata ad tertias re-  
pleta: recipiens amplum admove, & ignem grada-  
tim auge. Prodibit initio phlegma subacidum, quo  
cessante, ac recipiente mutato, ignem paulatim &  
cautissime augebis, commissuris non nimis firmiter  
glutinis, ne vasa rumpantur. Exibunt vapores al-  
bi, copiosissimi, per lutum penetrantes; eodemque  
tempore spirituosus liquor cum oleo volatili, te-  
nui, ac subflavo in recipiens exstillabit. Ulterius  
promoto igne oleum spissum, nigrum, graveolens  
prodibit. Absoluta operatione oleum utrumque a  
liquore spirituofo per infundibulum separabis: quod  
in fundo retortæ superest Tartarus calcinatus est, a  
quo salem Tartari fixum elicere poteris.

*Spiritus penetrantissimus est, urinam ac menses ciet, in  
obstructionibus, & hysteriis affectibus perutilis habetur.*

*Dosis a guttis quatuor ad guttas viginti.*

SPI-

## SPIRITUS ACIDI MINERALES.

## SPIRITUS SALIS MARINI.

R. Salis Marini decrepitati — libras tres,

Boli Armenæ — libras novem.

Pulverisata misce exactissime, & immitte in retortam optime loricatam, quam in furnulo reverberii collocabis, apposito recipiente amplissimo. Distilla igne lento per horas aliquot, sensim ascendendo per omnes gradus: Prodibit initio phlegma subacidum, deinde albis vaporibus opplebitur recipiens, eodemque tempore Spiritus acidus exstillabit. Sustineatur ignis vehementissimus ad plures horas, quoad nihil amplius neque vaporis, neque guttularum specie erumpat. Refrigeratis omnibus amoveatur recipiens, & effundatur Spiritus, in vase optime clauso reponendus.

Si rectificandus fuerit distilletur ex alembico vitreo in balneo-maris: prodibit initio phlegma insipidum, quod projiciatur, ut inutile: residuum distilletur calore arenæ, & habebitur Spiritus Salis rectificatus.

Febribus ardentibus, malignis, ac pestilentialibus prodest: in convenienti vehiculo exhibitus sitim extinguit, urinam movet, & hydropi succurrit: inter acidos minerales Spiritus mitissimus est ac securissimus.

Dosis a guttis duabus ad guttas octo.

SPI-

# SPIRITUS SALIS MARINI METHODO GLAUBERIANA :

R<sub>2</sub>. Salis Marini ————— uncias sexdecim,

Olei Vitrioli ————— uncias octo.

Distilla ex retorta vitrea arenæ calore ad ficitatem: habebis Spiritum Salis satis copiosum, ac longe valentiolem præcedenti, pro usu tamen medico minus opportunum. Massa in retortæ fundo relicta, & in crucibulo calcinata donec fumos non emittat, aqua pura soluta & crystallifata dat salem mirabilem dictum Glauberi.

## SPIRITUS NITRI.

R<sub>2</sub>. Nitri ————— libras duas,

Boli Armenæ ————— libras sex.

Eodem apparatu quem descripsimus pro spiritu salis marini instituatur distillatio ex retorta in reverberii furnulo. Vapores initio subflavi, postea ruberrimi recipiens implebunt, quibus imminutis ignis cesset. Refrigeratis omnibus Spiritum fumantem e recipiente effundes, ac in usum servabis.

*Iusta liquoris copia dilutus ardorem sanguinis reprimit, urinas pellit, bilem viscidam incidit; frequentius vero adbibetur cum Spiritu vini dulcificatus.*

*Dosis a guttis duabus ad guttas octo.*

SPI-

## SPIRITUS NITRI

METHODO GLAUBERIANA.

Simili modo paratur ut Spiritus Salis Marini; ex massa vero superstitute Nitrum Vitriolatum conficitur.

## AQUA FORTIS SIVE AQUA STYGIA.

℞. Nitri,

Vitrioli ad albedinem calcinati,

Boli Armenæ, —————ana partes æquales.

Instituatur distillatio eodem apparatu, eodemque ordine ac pro extrahendo Spiritu Nitri. Rubris vaporibus cessantibus omnia refrigescant: erit in recipiente Aqua Fortis a Spiritu Nitri re ipsa parum differens. In fundo retortæ massa remanebit rubra, ex qua per elixivationem & crystallisationem sallem elicere poteris, qui vulgo dicitur Sal de duobus, sive Arcanum duplicatum.

*Usus ad dissolutiones metallicas.*

## AQUA REGIA.

℞. Aquæ Fortis ————— libram unam,

Salis Ammoniaci ————— uncias quatuor.

Misce in matraccio satis capaci, ac digere calore arenæ ad integram Salis Ammoniaci dissolutionem.

*Pro auro dissolvendo.*

Z z

SPI-

## SPIRITUS VITRIOLI

EJUSQUE OLEUM VULGO DICTUM.

℞. Vitrioli ad albedinem calcinati & pulverisati  
— quantum sufficit.

Inde in retortam optime loricatam, donec fuerit ad duas tertias repleta, retortam in furnulo reverberii statue, & peramplum recipiens appone. Distilla lento igne dum phlegma prodire incipiat, quo separato, commissuras apte conglutina; ignem vero auge per gradus omnes ad vehe mentiam summam, ut flamma luculenta e summo furnuli apice continenter erumpat. Vaporibus albis implebitur recipiens; Spiritus, & ultimo liquor densus, idest Oleum vulgo dictum exhibunt. Ubi per multas horas, labore sine ulla interruptione die ac nocte continuato ignem sustinueris, cessa; refrigeratisque omnibus recipiens amove, & liquores in eo contentos in lagenam vitream prudenter effunde. Ut vero Spiritum ab Oleo separes, rectificationem adhibe per alembicum calore arenæ. Spiritus quidem exstillabit, Oleum vero ita dictum in fundo cucurbitæ remanebit.

Sunt qui Spiritum a rectificatione initio prodeuntem seorsim asservent, titulo Spiritus Vitrioli volatilis sive Antepileptici.

*Spiritus februm ardorem extinguit, refrigerat, & adstringit; Oleum adhibetur ad varias operationes Chymicas.*

*Dosis Spiritus a guttis quatuor ad guttas sex.*

## SPIRITUS SULPHURIS

## EJUSQUE OLEUM VULGO DICTUM.

**R.** Sulphuris crassiuscule triti — quantum placet.

Præsto sit campana vitrea instar alembici rostrata, quantum fieri potest ampla, sub camino suspensa; hujus internam superficiem vapore aquæ calentis humidulam reddes. Portionem deinde sulphuris in cratere leniter liquefacies: craterem ipsum, incenso sulphure, sub campana collocabis, & intra ipsius cavum attolles, quantum fieri potest, modo ne Sulphur extinguatur. Ubi hoc deflagraverit novum craterem substitue, & post hunc tertium, & sic deinceps. Colligetur ad internam campanæ faciem roridus vapor, qui paulatim ab ejus limbo per rostrum distillans subjecto vitreo vasculo excipi poterit. Sic perges donec sufficientem habueris liquoris quantitatem. Tempore frigidiusculo, nubilo Cælo, aere humido, a ventis quiescente, nocturnis horis operatio ista longe feliciter succedit.

Pro varia temporis & instrumentorum ratione, modo tenuior & aquosior exstillat liquor, & dicitur Spiritus, modo densior, & dicitur Oleum.

*Ejusdem fere naturæ sunt liquores isti cum Spiritu & Oleo Vitrioli, sed mitiores & adstrictione carentes. In febribus ardentibus, malignis, & contagiosis ad corruptionem arcendam, nimiumque ardorem compescendum egregium habent usum.*

*Dosis Spiritus a guttis quatuor ad guttas duodecim, Olei ad guttas sex.*

Z z 2

SPI-

## SPIRITUS SALIS DULCIFICATUS.

℞. Spiritus rectificati Salis Marini,

Vini, — ana partes æquales.

Spiritum Salis supra Spiritum Vini paulatim instilla in cucurbita vitrea satis ampla: digere simul lenissimo calore, & permixtum optime liquorem usui serva.

Diureticus est & alexipharmacus, hydropi, pesti, ac febribus ardentibus convenit, humores a corruptione præservat.

Dosis a guttis quatuor ad guttas sexdecim.

## SPIRITUS NITRI DULCIFICATUS.

℞. Spiritus Nitri,

Vini rectificati, — ana partes æquales.

Eodem ordine procedes, ut in Spiritu Salis dulcificato: fit vero instillatio lenissima, ne vehementior ebullitio periculum inferat.

Ad eadem valet ad quæ Spiritus Nitri simplex, at longe securius exhibetur & jucundius.

Dosis a guttis quatuor ad guttas duodecim.

Uterque Spiritus Salis Marini, ac Nitri dulcificatus adhuc præstantior erit, si distillatione in balneo maris facta, semel iterumque rectificetur; in quo tamen opere ponderis jactura vitari nequit.

## LIQUOR ANODYNUS MINERALIS.

R $\acute{e}$ . Olei Vitrioli ————— unciam unam,

Spiritus Vini rectificati ————— uncias quatuor.

Instilla guttatim & per intervalla Oleum Vitrioli supra Spiritum Vini in cucurbita altioris colli, vaporem noxium vitando, & cucurbitam saepe concutiendo, ad perfectam utriusque mixtionem. Aprato capitello cæco supra cucurbitam, & sedata effervescencia, digere in cineribus per dies octo, calore primi gradus æquabiliter conservato. Digestione perfecta mixturam transfunde in retortam vitream, eamque in balneo cinerum colloca, agglutinato recipiente satis amplo. Distilla igne lenissimo, quoad materia intra retortam nigrescere incipiat, ac in bullas attolli. Subtracto igne liquorem in excipulo contentum proprio sedimento affunde, & iterum distilla: id ubi tertia vice peregeris, Oleum subtilissimum liquori distillato supernatans diligenter aufer, ac in proprios usus reconde: est Oleum Vini, five Oleum Vitrioli dulce. Residuo liquori æquam portionem aquæ puræ affunde, digere per aliquot horas, & ex alembico distilla igne lenissimo tamdiu continuato, dum striæ quasi pingues non amplius decurrant, & solum phlegma remaneat in cucurbita. Habebis ex ultima distillatione accuratissime elaboratum Liquorem Anodynum Mineralem.

*Morbis a debilitate fibræ morricis oriundis, apoplexie, paralyfi, vertigini, ac epilepsie incomparabile auxilium habetur.*

*Dosis a guttis sex ad guttas sexdecim.*

AQUA

## AQUA RABELIANA.

R. Vitrioli Romani ————— quantum placet.

Extrahatur Oleum methodo superius descripta,  
& cohobetur supra salem e proprio capite mortuo  
per elixiviationem eductum, postea cum

Spiritus Vini ————— rectificati duplo  
digeratur ex arte in vase circulatorio per dies ali-  
quot: dulcificatus liquor servetur ad usum.

*Adstringendi vi praestat, ac in gonorrhoeis virulentis po-  
tissimum commendatur.*



AQUA

CLAS-